



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 72. Synodi Monasteriensis Decreta.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

septem Doloribus. Eadem quoque Congregatio die tertia Decembris declaravit, quod functiones Pontificales, quæ absente vel impedito Episcopo spectant ad primam dignitatem, sint Festum Nativitatis Dominicæ, Epiphaniæ, Ascensionis, Pentecostes, SS. Petri & Pauli, B. V. assumptæ, omnium Sanctorum, Dedicationis Ecclesiæ Cathedralis, ejusdem Ecclesiæ titulus, urbis Patronus, commemoratio omnium Defunctorum, Distributio Candelarum, Cinerum, Palmarum, celebratio Officii in Feria quinta & sexta in Parasceve, resurrectio Dominica, & dies sollemnis Corporis Christi unacum Processione.

Sæc. XVII.  
A. C. 1672.

§. LXXII.

*Synodi Monasteriensis Decreta.*

Moverat hoc anno in Batavos bellum Christophorus Bernardus de Galen Monasteriensis Episcopus, qui etiam Gallorum, & Coloniensis Archiepiscopi copiis auctus, præter plurimas ignobiliores Transisulanæ Provinciæ urbes etiam Lingam, Grollam, Borckolum, Lochemium, & Brevortiam qua vi qua deditione expugnavit, ipsamque Deventriam urbem Hollandis eripuit, pactus tamen cum illis, ut Calviniani pro suo ritu duas Ecclesias necnon superio-

*Neuvill. l. 6.  
cap. II.  
Concil. Germ.  
t. 10. p. 36.*

Sæc. XVII. periores & inferiores scholas confer-  
 A. C. 1672. varent, Urbs vero rursus Imperio unita

& Germano milite firmata a Coloniaensi  
 Archiepiscopo & Episcopo Monasteriensi  
 regeretur: Postea continuato victo-  
 riarum cursu in Frisia, aliisque Pro-  
 vinciiis bellum alternante fortuna pro-  
 movit: nec tamen propterea quicquam  
 de Pastoralis Diæcesis suæ cura, ac vi-  
 gilia remissit; quippe hoc anno die  
 vigesima nona Martii & undecima Octo-  
 bris binas habuit Synodos Diæcesia-  
 nas, in quarum prima vehementer in-  
 vehebatur in eos Clericos, qui vesti-  
 bus varii coloris, limbis auro, argen-  
 tove vel serico intertextis, indulio e-  
 manicis in longum & latum propen-  
 dente, capillis in cervicem ac scapu-  
 las prolixè defluentibus militarem po-  
 tius, quam exemplaris Clerici Perio-  
 nam repræsentant, in eoque habitu  
 tremendum Missæ Sacrificium pere-  
 gunt. Prohibuit etiam, ne Clerici ad  
 comedendum vel bibendum extra ta-  
 bernis vel necessitatis casum tabernas  
 frequentent. In altera autem Synodo  
 Episcopales Commissarii, nomine Epi-  
 scopi, Clericos ad sæpius inculcato-  
 rum observantiam hortantes, nuper  
 belli calamitates vitiosæ Clericorum  
 vitæ, præsentis autem belli fortunam  
 emendatæ in melius conversationi, de-  
 vote

Sæc. XVII.  
A. C. 1672.

votæ Cleri pietati, precibusque attri-  
buerunt, sane enim, ajebant illi, ante  
menses aliquot scintillantes bellorum mo-  
tus, publicæque hostium, & privatæ in-  
fidiantium Machinationes religioni ac pa-  
triae non aliud quam funera, incendia atque  
ipsam vastitatem minabantur. At vero be-  
nignissimus Deus effusis supplicantium pre-  
cibus, pia quasi animorum Conspiratione  
exoratus, dexteram suam exerens in com-  
minantes ipsos mala hæc fere omnia con-  
vertit, quippe suam ex alto benedictionem  
profuse largitus, justissima Celsissimi arma  
adversus hostem totius Europæ facile po-  
tentissimum tot tantisque victoriis decora-  
vit, quales in superiorum ætatum historiis  
vix leguntur, & certo constat, a nemine  
Principum Episcoporum Monasteriensium  
reportatas esse incredibili profecto Religio-  
nis, Ecclesiæ, & Patriæ hujus emolu-  
mento.

Postea indixere, ut quando Episco-  
pus ad urbem proximo Sabbato rever-  
surus sit, omnes campanæ pullentur,  
bellique tormenta explodantur, altera  
vero die Ambrosianus Hymnus in gra-  
tiarum actionem decantetur, Deusque  
exoretur, ut mittat Operarios in vineam  
suam, & errorum labruscæ radicitus con-  
vellantur; agerque Monasteriensis seu veræ  
& Apostolica fides longius, scilicet ad  
urbes etiam Batavis ereptas, dilate-  
tur.

Sæc. XVII. tur. Verum præfatæ Urbes anno se-  
A. C. 1672. quenti ad Batavos, præcisa omni Re-  
ligionis dilatandæ spe, reversæ sunt.

§. LXXIII.

Quorundam Scriptorum Catholicorum  
opera & obitus.

*Du Pin nou.* **I**nter Celebriores Scriptores Catholi-  
*Bibl. t. 17.* cos, qui hoc anno obiire, primum  
*pag. 286.* locum sibi jure vendicat Antonius Gu-  
*Niceron not.* deau Grassensis & Vinciensis Episcopus,  
*erud. t. 14.* qui præter plurima sacra poemata inter  
*pag. 64.* Gallos primus Gallicam Historiam Ec-  
*Vid. supra* clesiasticam omnibus numeris absolutam  
*l. 200. §. 20.* edidit, atque usque ad prima octo se-  
*t. 60. p. 590.* cula perduxit: Reliquit quidem pro-  
illius continuatione quædam monu-  
menta, quæ apud quemdam Franciæ  
Episcopum asservata, cum ultima ex  
manus desit. nunquam prælo fuere sub-  
jecta. Edidit quoque Paraphrasin in  
Epistolas D. Pauli & Canonicas, In-  
tutionem Principis Christiani, open-  
Christiana, Instructiones pro Societate  
SS. Sacramenti, & monita ad Pe-  
risiensem Senatam circa ejusdem ce-  
tum, Paraphrasin in Psalmos, sermo-  
nes de Tonsura Clericali, de ordinibus  
sacris & de vocatione ad Statum Ec-  
clesiasticum, Vitam S. Pauli Apostoli  
& D. Augustini & S. Caroli, tractatum